



ԱՄԵՆԱՅՆ ՀԱՅՈՑ ՎԵՀԱՓՈՒ ՀԱՅՐԱՊԵՏԻ ԿՈՆԴԱԿԸ
ՄԱՐՍԵԼԻ ԵՎ ՀԱՐԱՎԱՅԻՆ ՖՐԱՆՍԻԱՅԻ ՀԱՅՈՑ

Վ Ա Ջ Գ Է Ն Ծ Ա Ռ Ա Յ Յ Ի Ս Ո Ւ Ս Ի Զ Ր Ի Ս Տ Ո Ս Ի,
ՈՂՈՐՄՈՒԹԵԱՄԲՆ ԱՍՏՈՒԾՈՅ ԵՒ ԿԱՄՕՐՆ ԱՋԳԻՍ
ԵՊԻՍԿՈՊՈՍԱՊԵՏ ԵՒ ԿԱԹՈՂԻԿՈՍ ԱՄԵՆԱՅՆ ՀԱՅՈՑ,
ԾԱՅՐԱԳՈՅՆ ՊԱՏՐԻԱՐԶ ՀԱՄԱՋԳԱԿԱՆ ՆԱԽԱՄԵԾԱՐ ԱԹՈՌՈՅ
ԱՅՐԱՐԱՏԵԱՆ ԱՌԱՔԵԼԱԿԱՆ ՄԱՅՐ ԵԿԵՂԵՑԻՈՅ
ՍՐԲՈՅ ԿԱԹՈՒՂԻԿԷ ԷՋՄԻԱԾՆԻ

ՀԱՄԱՅՆ ԵԿԵՂԵՑԵԱՑ ՄԱՐՍԻԼԻՈՅ ԵՒ ՀԱՐԱՒԱՅԻՆ ՖՐԱՆՍԱՅԻ ՀԱՅՈՑ
ԵՒ ԲԱՐԵՊԱԾՑ ԵՒ ԱՍՏՈՒԱԾԱՍԵՐ ԺՈՂՈՎՐԴԵԱՆ ՄԵՐՈՅ,
ՈՂՋՈՅՆ ԵՒ ՕՐՀՆՈՒԹԻՒՆ ՀԱՅՐԱՊԵՏԱԿԱՆ
Ի ԳԱՀԷ ՍՐԲՈՅ ՀՕՐՆ ՄԵՐՈՅ ԳՐԻԳՈՐԻ ԼՈՒՍԱՒՈՐՉԻ
ԵՒ Ի ԳԱՀԱԿԱԼԷ ՆՈՐԻՆ

Փա՛ղք Աստուծոյ Ամենակալին, որ իր անբաւ ողորմութեամբ ու սիրով կը մնայ պահապան և օգնական մեր Ս. Եկեղեցիին ու ազգին, լուսատրելով անոնց կեանքի ճամբան ի Հայաստան և ի սփիռս աշխարհի, իր իսկ հիմնած Մայր Աթոռ Ս. Էջմիածնի սեղաններէն բաշխող լոյս շնորհներով:

Ահա՛, սիրելի՛ և հարազատ զաւակներ Մեր, Միածնաւէջ այդ Ս. Տաճարէն Ձեզի կը բերենք այսօր հայրական ողջոյն և աստուածային օրհնութիւն, աղօթելով, որ Տէրը միշտ անշարժ ու շէն պահէ Ձեր եկեղեցիները, միշտ խաղաղ ու սիրով միաբան Ձեր քրիստոնէական եղբայրութիւնը, և միշտ վառ ու կենդանի Ձեր հայկական հոգին:

Որ խաղաղութիւնն ու եղբայրական սէրը կը ծաղկին, այնտեղ կ'իջնէ Աստուծոյ օրհնութիւնը: Երբ Մեր զաւակները կը գործեն համերաշխ միասնութեամբ, հաւատարմօրէն ամուր կանգնած մեր նախնեաց նուիրական կարգաց ու աւանդութեանց վէմին վրայ, կը զօրանայ և կը պայծառանայ մեր ամբողջ Եկեղեցին, կ'ուրախանայ Ս. Էջմիածինը, առաել կը փայլի ու կը ճառագայթէ հայ անուր յաչս քոյր եկեղեցիներու և ազգերու:

Այս խոհերով ահա կ'ողջունենք Ձեզ սոյն Մեր գրով և Ձեզի բոլորիդ անխտիր աւետիս կը բերենք, թէ ընդառաջելով Ֆրանսայի հայրապետական պատուիրակ գերաշնորհ Տ. Ստրովբէ արքեպիսկոպոսի առաջարկութեան և Մարսիլիոյ Մայր Եկեղեցոյ վարչութեան խնդրանքին, Ձեզի կ'առաքենք նո-

րապակ S. Յակոբ եպիսկոպոս Վարդանեանը, Երուսաղէմի Սրբոց Յակոբեանց միաբանութեան ուխտէն, որ իբրև Մարսիլիոյ և Հարաւային Ֆրանսայի Հայրապետական պատուիրակի փոխանորդ, կոչուած է հոգեպէս մխիթարելու և առաջնորդելու Ձեր շրջանի հայ հաւատացեալ ժողովուրդը, սերտ գործակցութեամբ Հայրապետական սրբազան պատուիրակի և Ձեր եկեղեցիներու վարչութիւններու, և համաձայն մեր Ս. Եկեղեցոյ կնարգաց և կանոնաց և Ձեր բարեխնամ պետութեան օրէնքներուն:

Մենք կը հաւատանք, որ գերաշնորհ S. Յակոբ եպիսկոպոս իր իմաստուն և խաղաղաբար ոգիով, իր բարի ու ժրաջան աշխատանքով ու իր հոգևոր հեղինակութեամբ, կրօնական շինարար կեանքի նոր շրջան մը պիտի սկզբնաւորէ Հարաւային Ֆրանսայի հայոց մէջ, շէնցնելով եկեղեցիները, ծաղկեցնելով հոգևոր կեանքը, մխիթարելով բարեպաշտ մեր ժողովուրդը և ամրապնդելով անոր մէջ եղբայրական սէրը և անբաժան միութիւնը քրիստոնէական ու հայկական:

Մենք միշտ պիտի մնանք աղօթող Ձեզի ամէնուր համար, Ձեր կեանքին, Ձեր բարօրութեան և Ձեր խաղաղութեան համար:

«Այսուհետև, եղբարք, ողջ լըրուք, հաստատուն կացէք, մխիթարեցարուք, միաբան լըրուք, խաղաղութիւն արարէք. և Աստուած խաղաղութեան և սիրոյ եղիցի ընդ Ձեզ» (Բ Կորնթ. ԺԳ 11):

Գալուստի

ԾԱՅՐԱԳՈՅՆ ՊԱՏՐԻԱՐԸ ԵՒ ԿԱԹՈՂԻԿՈՍ
ԱՄԵՆԱՅՆ ՀԱՅՈՑ

Տուաւ կոնդակս 1-30--ն դեկտեմբերի
1965 Փրկչական ամի,
և ի տունարքս Հա,ոց ՌՆԺԵ,
ի մայրավանս Սրբոյ Էջմիածնի:

